



REPUBLIKA E KOSOVËS * REPUBLIKA KOSOVA
KOSOVA CUMHURIYETİ
Komuna e Prizrenit * Opština Prizren
Prizren Belediyesi
Kryetari i Komunës Predsednik Opštine
Belediye Başkanı

01 Nr. 158/25 Dt. 03.03.2025



Republika e Kosovës
Republika Kosova- Kosova Cumhuriyeti

Komuna e Prizrenit
Opština Prizren – Prizren Belediyesi

Procesverbal i për Projekt- Rregulloren për Transparencë Komunale për Komunën e Prizrenit

Publikimet:

Publikimet janë bërë me **13.02.2025** në webfaqe zyrtare të komunës, në facebook-un e komunës, si dhe në platformën e konsultimeve publike:

Në webfaqe:

<https://prizren.rks-gov.net/wp-content/uploads/2025/02/Njoftim-per-organizimin-e-KONSULTIMIT-publik-per-Rregulloren-per-Transparence-ne-Komunen-e-Prizrenit-Shq-Bosh-Tur.pdf>

Në platformë:

<https://konsultimet.rks-gov.net/viewConsult.php?ConsultationID=42774>

Njoftimi si lajm në webfaqe:

<https://prizren.rks-gov.net/news/njoftim-per-organizimin-e-konsultimit-publik-per-rregulloren-per-transparence-ne-komunen-e-prizrenit/>

Njoftimi në Facebook:

<https://www.facebook.com/share/p/1DxZL2j112/>

Me 14.02.2025, njoftimi dhe projekt-rregullorja (në tri gjuhë) u është dërguar përmes emailit, qytetarëve, klubet sportive, OJQ, organizata të ndryshme, drejtore shkollave, bizneseve, organizatat studentore, ekspert të fushave, mediat lokale, shoqatave të ndryshme si dhe organizata rimore, që të kenë mundësi të njihen më detajshëm me dokumentin në fjalë, sepse disa nga ta nuk kishin pasur mundësi ta lexonin të publikuar në ueb faqe.

Me 21.02.2025, është mbajtur konsultimi publik, vegëza e publikimit të lajmit për mbajtjen e konsultimit:

Në webfaqe:

<https://prizren.rks-gov.net/news/u-mbajt-konsultim-publik-me-qytetare-per-projekt-rregulloren-per-transparence-ne-komunen-e-prizrenit/>

Në facebook:

<https://www.facebook.com/share/p/19trpDh7pb/>

Konsultimi ka filluar në orën 11:10

Ymer Berisha-Udhëheqës i Njësisë për Komunikim me Publikun ka hapur konsultimin publik duke thënë se jemi në konsultim publik për rregulloren për transparencë përmes të cilës mëtojmë të rrisim transparencësn, përgjegjshmërinë e komunës së Prizrenit, para qytetarëve të saj, me të vetmin qellim që politikat publike të jenë të konsultuara me kohë para se dokumenti të në këtë sallë, në këtë institucion dhe pastaj secila drejtori. Kryetarit të komunës dhe deri te nivelet më të ulëta administrative janë të obliguara që të zbatojnë të gjitha të gjeturat që i përmbana dokumenti në fjalë.

Kryetari Totaj ka kërkuar që zyra jonë të jetë kons

Atëherë, të nderuar qytetarë, kam kënaqësinë që në emrin e kryetarit të komunës zoti Shaqir Tota të përshëndes pranimin tuaj sot në këtë konsultim publik për një dokument i cili meton që të rrisë transparencën, llogaridhënien, përgjegjshmërinë e komunës së Prizrenit para qytetarëve të saj. Me të vetmin qëllim që politikat publike të jenë të konsultuara me kohë para se dokumentat të miratohen në këtë sallë, në këtë institucion dhe pastaj secila drejtori prej kryetarit të komunës dhe deri të nivelet më të ulëta administrative janë të obliguar që të zbatojnë të gjitha të gjeturat që i përmban dokumentin në fjalë që sot e kemi rregulloren për transparencë. Kryetari tonë i kakërkuar që zyra jonë të jetë konsekiente me kërkesat që vijnë gjatë viteve dhe dekadave në vijim dhe komuna e Prizrenit të jetë prioritare në përbushjen e kërkesave të qytetarëve sa i përket transparencës së llogaridhënieς dhe ushtrimit të përgjegjësive në të gjitha nivelet e mundshme që ka komuna. Ky dokument që e kemi nxjerrë në diskutim publik dhe e kemi konsultuar me një komision profesional që është në përbërje nga zyrtarë të komunës, të organizatave, të shoqërisë civile dhe gazetarë.

Qëllimi ka qenë që me parë cilat janë thirrjet e grupeve të ndryshme shoqërore adresuar komunës së tyre për të përbushur kërkesën që e gjithë vendimmarrja e komunës sonë të jetë transparente, të jetë e hapur me mundësi diskutimi para se vendimmarrja të formalizohet në institucionet e komunës ose në komunën në përgjithësi.

Prania juaj sot fizike këtu dëshmon se jemi bashkë në këtërrugëtim dhe besoj shumë se vetëm sëbashku me qytetarët, kërkesat e tyre, nevojat do të marrin vendime të drejta, do ta implementojmë demokracinë

vendimmarrëse si mënyrë e organizimit të punës në komunë, do të jemi besnikë ndaj njëri-tjetrit, të gjitha palët do të mundohemi të shkojmë në një drejtim të kënaqësisë sa më të madhe që është e mundur, të dëgjohet zëri i qytetarëve, por ne normalisht e ruajmë të drejtën se komuna duhet të gjithë vendimmarrjen ta ketë të bazuar vetëm në mbështetje të ligjit.

Ligji për vetëqeverisjen lokale është një farë kushtetute për komunat e Kosovës dhe pastaj administrohen disa shërbime të tjera dhe me disa ligje të tjera që është ligji i financave publike, ligji i organizimit të administratës publike e kështu me radhë. Domethënë ne si komunë e ruajmë kujdesin maksimal që zëri i qytetarëve i cili ka hapësirë që të integrohet në ligjet e Republikës së Kosovës, kushtetutën e Republikës së Kosovës, do të jemi të kënaqur kur ne mund t'i ofrojmë një shërbim qytetarit në këtë nivel.

Për arsyen e vetme se metimi ynë është që në secilën fushë të jetës të përmirësoset cilësia e jetës sonë gradualisht. Në këtë rast sot kemi këtë rregullore, e cila e mban qytetarin përgjegjëse dhe kryetarin e komunës së përgjegjshëm për gjithë vendimmarrjen e tij. Ka afate kohore ligjore kur komuna duhet t'i bëjë publike thirrjen¹⁰ e veta, njoftimet qoftë për mbledhje të kuvendorit, qoftë për mbledhje të kryetarit të komunës, qoftë për agjendën ose protokollin që lidhet me komunën ekskluzivisht ose edhe me njësi të tjera administrative çfarë është niveli qeveritar, pastaj niveli diplomatik. Thjesht ky dokument meton që ta organizojë punën sa është më mirë që është e mundur. Me të vetmin qëllim pra që komuna e Prizrenit, vendimmarrja në komunën e Prizrenit të jetë e hapur për të gjitha audiencat mundshme, relevante të cilat veprojnë rrëth një një qëllimin të caktuar. Për të realizuar këtë të drejtë, ky dokument nuk përballet me këtë konsultim sot. Është i hapur edhe për audiencat online dhe deri me datën 28 shkurt 2025 të gjithë qytetarët të cilët nuk janë sot këtu, po përmes mjeteve të informimit mund ta marrin informacionin se dokumenti është në konsultim publik, mund të jepin idetë, gjetjet e tyre, sugjerimet e tyre që e pasurojnë dokumentin dhe ne do i mirëpresim. Normalisht kemi një falënderim si komision në drejtim të OSBE-së, pasi zoti Kollari ka dhënë një kontribut të çmuar, pastaj të mediat, të gazetari Fisnik Minci që mund ta vlerësoj si emër i cili ka dhënë një kontribut gjatë këtyre mbledhjeve të komisioneve, sot jemi me prani fizike në këtë konsultim.

Pastaj dokumenti normalisht do të shkon në drejtim trendit të komunës e Prizrenit dhe unë do të gjej mundësinë që sëbashku me kryesuesin dhe kryetarin ta qesim si pikë të rendit të ditës në seancat vijuese. Kështu që edhe partitë opozitare shqiptarë e kanë shansin e tyre që të jepin fjalët e tyre, idetë e tyre për dokumentin dhe pastaj unë besoj gjithmonë se ky dokument ka një historik të kaluar, është votuar gati në mënyrë unanim nga të gjithë asamblistët me qëllimin e vetëm se të gjithë janë për të arrijë transparencën.

Jemi duke ruajtur fokusin në informacion për ju dhe qytetarët se e shehni krejt bota është duke u transformuar sa i përket këtyre vendimmarrjeve. Dita që ka lënë ligji po forcohet dhe nuk mbetet diskrecion njerëzor shumë i madh për arsy se e kemi edhe tendencën e inteligjencës artificiale.

Tani kërkesat e qytetarit botëror po edhe këtij të komunës së Prizrenit është që kryetari është i tyre, vendimmarrja është e tyre dhe së bashku ata duhet të administrojnë paratë që i vijnë në buxhetin e komunës së Prizrenit, paratë e taksa paguesve dhe burimet njerëzore.

Këto dy kategori e kanë për qëllim që kryetarin e komunës domethënë të jetë sa më aktiv në mënyrë që edhe sa më racional, sa më i drejtë që edhe paratë edhe njerëzit të maksimalizohen mundësitetë për realizimin të projekteve, të maksimalizohet dija njerëzore.

Mirëpo po them, vullneti ynë është shumë i madh që ta dëgjojmë qytetarin dhe bashkë me ta të bëjmë më të mirën për të gjithë ne sëbashku. Hazizi më njofton mua që dokumentin te organizatat e shoqërisë civile e ka dërguar në mënyrë elektronike.

Tash ne po promovojmë thashë standarde të ditëve edhe ne në vijim i kemi ikur pak letrës kopje të fortë për më mos me shpenzuar shumë letrar e tjera e tjera, për me e nxit, domethënë qytetarin tonë, të rinjtë edhe të rejat tona që të komunikojnë në mënyrë elektronike më shumë, që të jemi më racionale, të kemi informacion në kohën e duhur.

Dokumenti pra po them, ka qenë i qashtëm atje, i përban dhe e mban në obligim kryetarin e komunës qoftë edhe për një mbledhje të e rregullt të kuvendit, qoftë për një mbledhje të jashtëzakonshme, qoftë për një mbledhje solemne, që këto organizohen kur ka ditë festash kombëtareose shpallje të ndonjë qytetari nderi e të tjera e tjera.

Domethënë të gjitha këto veprime, zyra për komunikim me publikun, i ka afatet ligjore që e njoftojnë qytetarin e bën të ditur kur do të ndodhë ora, vendi, saktë se çfarë, çfarë do të, çfarë do aktiviteti do të ketë. Por fokusi kryesor i rregullores është po ashtu që domethënë politikat e tenderimit dhe politikat e punësimit, meqë janë dy targete ku qytetarët pak më shumë kanë interes, jemi munduar që t'i bëjmë sa më të hapura.

Konkurenca të jetë e barabartë për të gjithë, mundësitetë të jenë të barabarta për të gjithë dhe meritokracia të jetë standard i cili rrugëton drejt realizimit të projekteve ose drejt të drejtave të punësimit. Unë besoj që para jush e kemi sjellë një dokument serioz, profesional dhe ligjor dhe besoj se ky dokument do ta ndihmojë

kryetarin dhe gjithë komunën që vendimmarja jonë të jetë, kompatibile ose në përputhje me kërkesat e qytetarëve dhe të gjitha palëve të tjera të interesit interesit publik.

Tani këtë konsultim unë nuk po e zgjas më shumë, pak a shumë nëse do të ketë ndonjë pyetje specifike, fjala do të jetë e juaja të nderuar qytetarë, përfaqësues të OJQ-ve dhe të mediave të pranishëm të tjerë, dhe do ta bëjmë në formë bashkëbisedimi.

Ideja është që thjesht ne ju dëgjojmë ju, japim përgjigje aty ku kemi përgjigje, nëse ne përgjegjës e dimë me dhënë, lypim kohë prej juve dhe mirësinë e juaj që shkojmë e mësojmë pastaj në takime të tjera ose me shkrim ju përgjigjemi, por me rëndësi jemi të gati që të jemi bashkë me ju edhe sot edhe gjatë viteve në vijim.

Tani me një ngritje dore emër mbiemër që të protokollohet në proces urban mund ta merrni fjalën. Unë kam këtu edhe disa përfaqësues të tjerë të komisionit që e ka hartuar këtë draft dokument kemi edhe zonjën Eleanor Fetellari e cila ruan të drejtën që dokumentit të jetë në përputhje me dokumentat ose kërkesat e Bashkimit European, ku po synojmë që të shkojmë. Kështu që edhe këtë filtri e kemi kaluar domethënë gjatë këtij hartimi i këtij draft dokumenti dhe po mendoj që jemi duke bërë më të mirën të mundshme për momentin.

Nëse do fjalën dikush mund ta merrni.

Haki Reshtana

Pershendetje per te gjithe!

Unë desha me përgëzuar punën që e bëni ju, zoti Berisha me ekipin e juaj. Unë jam i kënaqur me punën që bëni ju, por ka njerëz që nuk e shohin atë punën e juaj. Unë desha me cek transparencën për shembull për Prizrenin si multietnik problemi është që tash, nuk duhet me hy në histori. Kur janë festat shqiptare, kur janë festat shqiptare që i përkasin Shqipërisë ose 1878-ën, ajo është date që i përkasin komuniteti shqiptar, historia e tyre. Por problemi kur është dita e pavarësisë e që tash shpejt e kemi pase përgëzoj ditën e pavarësisë gjithë qytetarëve e Kosovës, por duhet edhe disa flamujt turq me pase.

Në këtë mungesë, shikoni, ajo është një diskriminim se ne si qytetarë të Kosovës kemi të drejtat me përdorur atë flamurin në Prizren, e kemi atë drejtë me kushtetutë. Disa herë e kam cekur po apet po po vazhdohet njejtë. Kush e ka përgjegjësi për këto nuk mund me hyrë më thelle, por ju kishte lutur këto sende mos te ndodhin shpeshherë. E dini disa herë e kam kritikuar edhe atë ministrin para kësaj kohe edhe për Zambaku. Zambaku është diçka Histori kulturore e Prizrenit, gjithmonë ka pasur tre gjuhë edhe tre gjuhë këngë atje, me boshnjakët,

me turq, me shqiptarët bashkë kanë qenë. Ashtu që diçka me kthy në atë transparencë për Prizrenin, nuk po them për Kosovën, po po foli për Prizrenin.

Admir Bajrami

Se pari ju përshëndes juve në punën e juaj dhe transparencën. Unë vetëm e kam një fjalë kështu në transparencën kur vijnë vendimet. Për shembull, çdo vendim duhet me ardhur në gjuhën boshnjake dhe turke. Këtu e keni pak një mangesi. Respekt për juve që publikoni në komunë, vendimet duhet me ardhur ne dy gjuhë atë kisha pasur dëshirë të jemdhe na ëh, lajmërim gjuhën boshnjake, kurrgjë tjetër. Ndërsa nuk kam kurrfarë fjalë për i nderuar Haziz Krasniqi që lajmëron, por kam fjalë për vendime të tjera ku vijnë për shembull, çdokush nuk vijnë në gjuhën boshnjake. Mbas që janë boshnjak, këto e ceki, kurrgjë tjetër. Faleminderit shumë.

Dashnor Vehapi

Përshëndetje për të gjithë. Faleminderit për respektin se herë po, po vij në mbledhje, po ma japid fjalën. Ju përshëndes për punën, i përgëzoj për të gjitha, sa më shumë kritika prej neve, mendoj që ju do të punoni pak më shumë. I përshëndes dhe kolegët e mi dhe juve veç puna marrë. Faleminderit shumë.

Linda Simitçiу

Atëherë përshëndetje për të gjithë. Fillimi shumë mirë sot në këtë takim edhe di domethënë punën dhe angazhimin që e kanë bërë domethënë përveç juve edhe përfaqësuesit e shoqërisë civile që i përmendat edhe ju vetë. Kam pasur rastin ta ta shikoj domethënë dokumentin edhe vërej asnjë që është me të vërtetë një punë shumë e mirë edhe uroj që ta gëzojtë gjithë banorët e komunës së Prizrenit. Faleminderit shumë.

Resmije Krasniqi-Shoqata Hader

Përshëndetje. Ju përgëzoj për punën që e bëni komuna jonë. Unë desha t'ju them se këto personat që janë me të meta mendore dhe kudo që janë, kisha pasur dëshirë që këto persona të bëhen një grup punues që t'i vizitoj parket, t'i vizitoj shtëpitë ku janë ato persona të mirë. Deshta t'ju them edhe një herë për zotërinj, Sherif Çerimi, i cili është i vetëm te rruga Mehmet Hasi ju kisha lutur mos e lëni në vetëmij se vetë që ai nuk e di qysh jeton.

Do të bëhet ndonjë epidemi prej atij, se ajo është pa bukë, pastaj ne i çojmë si shoqata jonë, z.Beqir Ram ja dergon bukën. Është shtëpia e komuniteteve edhe ato ta çojnë diku, mos ta lënë ne vetmi, ai jeton vetem. Me vjen keq se këto persona pasi që i kam unë qëndrimin ditor tash, qëndrimi 24 orë ma kanë heq, kisha pasur dëshirë edhe t'ju kthej, mundësish, këto personat që kemi ne nuk janë të kësaj komunës prej vendit, janë të Kosovës. Mos i dalloni ju lutna, bile rryma se po vjen shumë keq që po duhet me zgjedhe kforin turk ose dikend për me na ndihmu për shoqatat. Dhe vjen shumë keq se pasi që komuna bile rrymën përpara sadopak është paguar tash hiç 650 euro ka ardhur dhe ma kanë ndërprerë. E duhet taman puna të bëhet punë se do duhet me mbyrr si komune, si një nënë e fëmijës me të meta 48 vjeçare e kqyri prej 99-tes deri tash 2025. Kërkush nuk i ka trazuar leprat i trazon leprat edhe të gatshme i çojnë nëpër shtëpinë e komuniteteve. Eshtë hapur shtëpia e komuniteteve me personat e tonë, shoqatës, po më vjen mirë edhe mburren që ma ka dhënë Zoti një vullnet të mirë, një punë për mi kry për këto personat. Dhe sugjeroj, ju kisha lutur, mos i leni nëpër parqe, se për këto vit po lindin fëmijë, shumë herë e kam cekur këtu. Ju lutna, bëni një punë qysh duhet, ose gjynah edhe ato. Vetëm kush e ka fëmijën me të, me ato po ja din, ose në familje që e kanë dikush me të meta ja din. Tash unë edhe një lutje e kam për Beqir Ramin. Ishalla do Zoti me paret e Beqirit 225 euro, ja kam blerë një ari 14 m² ju kisha lutur që komunat ja ndërtojnë shtëpinë zotériut, kërkesën e kam bërë. Ishalla do Zoti vjen mirë që janë këto qendrës dhe punës sociale këtu dhe shumë mirë punojnë, besoj që nuk e harrojnë Beqir Ramamin. Edhe prapë një sugjerim, ju kisha lutur që shoqata Hadër ta ket një donacion. Mjerim është, shoqata Hadër tash kemi mbetur shumë pak deri në maj me 225 euro rruga kryetares, e cila e nenshkruaj dhe ja jap zotériut, cili psikologu vjen me 150 euro, 250 euro kujdestarja e cila i pastron fëmijët aty. Ju kisha lutur ta kqyrni shoqatën Hadër se në 99 atëherë s'ka pasur asnjë shoqatë e vëtmja unë kam qene në Prizren dhe në Kosovë. Ju kisha lutur punoni tamam qysh duhet se na vjen gjynah për personat kur po vdesin që po ngrihet, vetëm një minut më falni. 2017 kur vdiq një person rrugës, atëherë erdhën te ne mendon se mos është e imja. Po jo shoqata hador i kanë ngritur, kanë përfituar shumë 205 anëtarë. Merre me mend edhe shko nëpër shtëpia edhe i këqyrim ato, i kemi rritur, i kemi bërë të gatshëm tash atje. E kam parë zotéri Bashkimi i cili edhe unë i kam përcjellur Karanezëve atje se s'kam dashur me shkuar dhe kisha pasur dëshirë për me shkuar me i vizituar dhe me i çu ato fëmijë të tjerë. Besoj që do të kemi bisedim me zotëri Bashkimin qëndër për punë sociale ndoshta i kryen këtë punë. Edhe ju këto fjalë shtypninë vesh, dhe bisedoni me kryetarin që shoqata Hadër, a nuk ka këtu ndonjë urgjencë kështu ndonjë donacion për këto persona që mos t'i lënë kurqysh ne, edhe ato kanë nevojë për hir që s'na kanë paguar, e kanë hequr qëndrimin 24 orë. I falenderojmë shumë, na kanë kryer një pun të madhe. Ju jeni ligj, ju dilni shkambullin, mos i leni rrugëve.

Bashkim Rakaj

Përgjigje ndaj Resmije Krasniqi-Shoqata Hader

Shoqara Hader është një vlere per komunen e Prizrenit por kohet e fundit komuna e Prizrenit eshte e pakta ndër komunat ne Kosove qe e ka objektin per personat me retardime mendore.Ne jemi ne dijeni, personi ne fjale nuk i perket kategorise qe do trajtim rezidencial dhe gjate vizitave nuk ka pranu qe te beje levizje per trajtim.Natyrisht qe ka veshtiresi.Shoqata Hader ka qene top organizte e cila ka pase mbeshtjetje nga komuna e Prizrenit.Sa i perket veteranit te luftes BEQIR RAMA po presim se shpejti do te filloje projekti per ndertimin e shtepive do te jete me prioritet por qe e dijme qe komuna financon ne baze te disa rregulloreve dhe ligjeve.Sa i perket ceshtjes se vizites se femijeve qe je ne perkujdes qe nje kohe ska problem per vizita,vetem duhet me lene takim me kujdestarin dhe gjithqka eshte ne rregull.

Simon Veseli

Përvendetje për të gjithë të pranishmit. Përvendetje për ju zotëri Ymeri, përvendetje Haziz. Kur flasim për transparencën, ftesa na ka ardhur me kohë për këtë takim për sot, por po befasohem që në këtë takim ne jemi diku 40-42 kryetarë të bashkesive lokale, po shoh më shumë ka të organizatave jo qeveritare të cilat po merren me problematikën e me nevoja të qytetarëve sesa na, tash po them edhe për vete, sesa ne që jemi të zgjedhur për me votën e popullit për me mbrojtë edhe interesat e qytetarëve por edhe për shërbime të tjera që kanë nevojë qytetarët. Kisha propozuar që me shikuar këtë fenomen, pse po na ndodh kështu? Pse jemi kaq të painteresuar në një mënyrë ne si bashkësi lokale? Pse këto takime nuk janë aq shpeshtë që na kanë lodhur, me thënë që jemi për çdo muaj, besoj që duhet me gjetur mundësinë për t'u takuar, për diskutuar, për të konsultuar, për të bashkëpunuar. Megjithatë unë kam ardhur me marrë pjesë këtu më sot në këtë pak me vonesë, po kam dashur me mbështetur këtë projekt të transparencës, këtë mënyrë të transparencës e cila po bëhet vërtete ndodh në qytetin e Prizrenit, edhe për të gjitha të tjera që informuan edhe përmes faqeve të internetit, nuk dua me ju marrë kohë më shumë, po kisha ju kisha lutur që të konsultoheni pak, bisedoni pak Hazizi ndoshta më me shumë kohë është më më i lidhur me kryetarët e bashkive lokale që me e ngritur pak vetëdijen e pjesëmarrjes së krytarëve të bashkive lokale në kësi lloj takime për të parë se çka po ndodh rrëth nesh edhe për ne edhe për qytetarët e komunës Prizren. Unë ju dëshiroj punë të marrë dhe suksese. Faleminderit

Faik Berisha

Ju kisha bashkengjit mendimit te kolegut Simon Veseli.Pasi qe vije nga Landovica,me rastin e pervaletorit te Pavaresise kemi pas mysafir nga vendet e ndryshme ne Varrezat e Landovices...Flamujte jane te demtuar dhe duhet perjegjesit adekuate te merren me kete pune.Faleminderit!

Në këtë vegëz: <https://www.facebook.com/watch/?v=967799142115917&rdid=KmW4q7xsE8HasjGA> , mund të gjeni video incizimin e konsultimit publik.

Konsultimi ka përfunduar në orën 11:40

Procesmbajtës:

